

# Egënd enangërëx

Mbimbëilir mbinj!

Ako ri bani gwa ataj itox cëra ga ye ko gër apuÿë wataru këni gar gër orën an. Awa xali exo ye exo de: "edëbar kë me yendë". Xara gar gër orën an wataru këni. Awa gogo ijo, ga wataru këni ar gër orën ajo, xali Şotë këno cara acëlarj. Gër ga şotë këni acëlarj. Wëlan këbi Bela Bënë fe wa şotë ko. Xali rowë këno itoxë. Ga rowë këno itox ij, şotë këno itoxiŋo. Gogo ijo na itoxiŋo rafë ko na. Yiko go sapar orexëmë. Awa gogo ijo na wëlan këbi eno mëka na cëra. Eni de: "wëjë fe? Gëno wa şotë këno itoxiŋ?" Exo de: "wëno ado ame nangena". "eyo" Eno mëka Bëte eni de: "cëra wëjë gëno wa şotë këno itoxiŋ?" Exo de Bëte mënjë: "wëno ame nangena". Awa gogo ijo na bar këni apeda dek Bela Bën. Fedaw ko ar gër orën an ine cëj ayënjën; okejënë fo dek "eyo" yëpa këni apedarj tu. Inecëj Bocambejar Bojekaxë Boj mo yëmbë. Awa gogo ijo itoxiŋ inemëta ga bax cëj cara. Xapë këno oxamanajë: Awa fel këno re këni: "gogo ijo wëji, Cëra ga yik ako ayo nangena sëm ir itox. Awa batël enëjro kape oxamanajë cara, do enëjro nëwëne oyëkanë. Ata kënjro nange sëm irexëm." Gogo ijo şeri këno cara oxamanajë yëwë këni, re këni: "cara wa yelë eyo nangë sorixin, cara wa yelë eyo nangë sorixin, nangë norënë nde wëcëkëyë! No rowë ki? Nangë norënë nde wëcëkëyë! No rowë ki?". Ata cara exo gër, exo gër, "jerëjer, jerëjer, jerëjer" ejo dëka ar gokejënan. Eni de: "aiye, agena ajo, xek! Axaşa xaşako yama ajo nde rowë këno cara? Agena mënj." Bëte exo Baka "jerëjer, jerëjer, jerëjer" cara. Awa eni nëw gaşëxe, eni nana, eni de: "Cara wa yelë eyo nangë sorixin, cara wa yelë eyo nangë sorixin, nangë norënë nde wëcëkëyë! No rowë ki? Nangë norënë nde wëcëkëyë! No rowë ki?". Ata cara exo gër, exo gër, "jerëjer, jerëjer, jerëjer" ata ëxëj, ëjro dëka ar go kejënan. Bëte eni njëpë Bela Bënë, eni njëpë, eni nëgwësëtë anëgwësëtë Bela Bënë. Eni de: "enëgwëşëx, ëxëj, yama ajo nde rowë këno cara şabejar ir go in? Do ar go kejënan ajo! Ajo kwënena, ajo doşëna mënjë. Bëte yuw këni atasën aj: "cara wa yelë eyo nangë sorixin, cara wa yelë eyo nangë sorixin, nangë norënë nde wëcëkëyë! No rowë ki? Nangë norënë nde wëcëkëyë! No rowë ki?". Ata ër ko cara gër ar gokejënë. Re këni: "E! Awa endeye ejo a ko ndex". Ako nde Bëtatik woou... na". Re ko mënjë: "eyo". yow ko ajo, re ko, "cëra! gayik ako anëka xoyinë këni Bela Bën gayikë gë wëno şotë këno ye itoxiŋo gogo ijo ekoc ki yowënu wëjë.

And ki yowënu ekoc aj, kër yidara dëna. Eyë ye eyë barë oyinga orejorjë. Lëf gër aciwë enjenga dënjë kër eBajidëna. Eyë kwëtë tu gër ed xwëşa këyë, do wëjë eyë kwëşa mërëxand "eyo" oyingaj eyë kwëtë ako. Ekoc ki yowënu, ekocelo wëjë kër yidadëna". Awa gogo ijo cëra re ko: "iyoy". Ko sesënd, ko nęcëtënd, ko sesënd ko nęcëtund oyingajë, ko sesënd. Nęcëtu ko oyingaj do xwëşa ko mërëxand na. Këno wëkand; "ine wa këyë nęcëtund oyingaj? ine këyë nęcëtaxëkund oyingaj! Ine wa këyë Baraxëkund oyinga oŋo wëjë? Hë? "Mënjë ayaka xëna de ko sesënd tunjë. Gogo ijo and fayë ko eBar ed oyingaj tunj, xwëşa ko mërëxand. A wëlë fo wëlë këni: "uuuuu...". Watë këno mënj go yinga orexëmoj: "nëko ino cëra, nëko ino cëra." Ako nemëxë keno "tëlëk". Anëka wëla këno ar gër orënan, ar gë bangejënan. Ga hatëkëni fënë, aŋo bano şëmanënd enapë ed oyalelë. Exo yowë ejo macë exo yamb ecemarel. Exo de mënjë: "ine wa şëma këyë?"; exo de mënjë: "ed oyalex". And kore ako aj; exo yaka mënjë axo yambëna enapë ed oyalel. Eyo axo yambëna enapë ed oyalel. Awa ata xali okeyë ok ako rikëni. Ata cëra ye ko wëka ko gër Bela re ko: "wënë, wëno wë icënë indamiŋ gawëlawë ke ro ado me cema enapel axo yambë ndëna". Re këni: "ine wa këyë şëmand?" Reko: "oyal". Reni keni: "ëxëj Biyi ro owalë wa këmi yambënd. Gate eyë ye eyë kwëc owalorj ey ë tējë. Eyë cala ingondiŋ ind dunë, etëjal ed dunë ata kë Belë do eyë cema ata këyë watë ga yamb ko. " Ata mënjë re ko: "Awa". Ata riko, exo kwëc owalorj, exo tējë, and sërjë ko aj, do şëma ko. ye ko wëc këno eyo icëniŋ. Re ko: "yogu eyë yambëra ". Re ko icëniŋ: " cëra ine wë şëma

këyë?". Re ko. " ował ". Ata ye ko yamb ko. Re ko: "ahaaa! Ejo nde bame nemënd, ejo nde wa bame nemënd, ame nangëbana, bëte aye pelë bana ejo këne yambënd wënë ro. Wëno ame nangëbana ". Re ko: "Biye ejo wa këmi yambënd, oyalonj ami nangena ".

Ro xwëtëk.